



Maria Pia Francescato Un projet pai diabetics

Maria Pia Francescato, ricercjadore di fisiologjie li de Facoltât di medisine de Universitât di Udin, e à coordinât il grup di lavôr che al à metût a pont un sisteme par consintî ai pazients diabetics che a dipendin de insuline di fâ ativitât fisiche misurant cuâl che e je la cuantitât di carboidrâts e di insuline di assumi par mantignî in ecuilibrî la glicemie. Il projet si base suntun



program che, comunicant vie sms, al valute la situazion dal pazient e al stime la cuantitât di carboidrâts di assumi prime dal sfuarç, e suntun piçul dispositîf eletronic che, metût dilunc de ativitât fisiche, al segnale il pericol di ipoglicemie. Il sisteme al è risultât di une colaborazion tra il Dipartiment di Sciencis medichis e biologjichis de Universitât di Udin, la Unitât di Diabetologjie de Aziende ospedalire universitaria udinese e la Cliniche mediche de Universitât di Triest.